

欽定四庫全書

香乘卷一

明 周嘉胄 撰

香品

隨品附
事實

香最多品類出交廣崖州及海南諸國然秦漢已前
未聞惟稱蘭蕙椒桂而已至漢武奢靡尚書郎奏事
者始有含雞舌香及諸夷獻香種種微異晉武時外
國亦貢異香迨煬帝除夜火山燒沉香甲煎不計數

欽定四庫全書

香乘卷十二

香事別錄下

南方產香

凡香品皆產自南方南離位離主火火為土母火盛則
土得養故沈水栴檀熏陸之類多產自嶺南海表土氣
所鍾也內典云香氣湊脾火陽也故氣芬烈

欽定四庫全書

南蠻香

訶陵國亦曰闍婆在南海貞觀時遣使獻婆律膏又驃
古朱波也有川名思利毘離芮土多異香王宮設金銀
二鐘冠至焚香擊之以占吉凶有巨白象高百尺訟者
焚香自跪象前自思是非而退有災疫王亦焚香對象
跪自咎無膏油以蠟雜香代炷又真臘國客至屑檳榔
龍腦香蛤以進不飲酒

唐書南
蠻傳

香槎

定庫書
欽四全

香乘

一

明 周嘉胄 撰

中國書局

明·周嘉胄 撰

香乘 (一)

中國書局

欽定四庫全書

子部九

香乘

譜錄類 器物之屬

提要

臣等謹案香乘二十八卷明周嘉胄撰嘉胄字江左揚州人此書初纂于萬厯戊午止二十三卷李維禎為作序後自病其疎畧續輯為二十八卷以崇禎辛巳刊成嘉胄自為前後二序其書凡香品五卷佛藏諸香一卷宮

掖諸香一卷香異一卷香事分類二卷香事
別錄二卷香緒餘一卷法和衆妙香四卷凝
合花香一卷熏佩之香塗傳之香共一卷香
屬一卷印香方一卷印香圖一卷晦齋香譜
一卷墨娥小錄香譜一卷獵香新譜一卷香
爐一卷香詩香文各一卷採摭極為繁富考
南宋以來有洪芻葉廷珪諸家之譜今或傳
或不傳其傳者亦篇帙寥寥故周紫芝太倉

稊米集稱所徵香事多在洪譜之外嘉胄此
編殫二十餘年之力凡香名品故實以及修
合賞鑒諸法無不旁徵博引一一具有始末
自有香譜以來惟陳振孫書錄解題載有香
嚴三昧十卷篇帙最富嘉胄此集乃幾于三
倍之談香事者固莫詳備于斯矣乾隆四十
九年二月恭校上

總纂官臣紀昀臣陸錫熊臣孫士毅

總校官臣陸費墀

香乘序

余好睡嗜香性習成癖有生之樂在茲遁世之情彌篤
每謂霜裏佩黃金者不貴於枕上黑甜馬首擁紅塵者
不樂於爐中碧篆香之為用大矣哉通天集靈祀先供
聖禮佛藉以導誠祈仙因之昇舉至返魂祛疫辟邪飛
氣功可回天殊珍異物纍纍徵奇豈惟幽牕破寂繡閣
助歡已耶少時嘗為此書鳩集一十三卷時欲命梓殊
歎挂漏乃復窮搜編輯積有年月通得二十八卷嗣後

次第獲覩洪顏沈葉四氏香譜每譜卷帙寥寥似未賅博然又皆脩合香方過半且四氏所纂互相重複至如幽蘭木蘭等賦於譜無闕經余所採通不多則而詳論精審葉氏居優其脩合諸方實有資焉復得晦齋香譜一卷墨娥小錄香譜一卷并全錄之計余所纂頗亦浩繁尚冀海底珊瑚不辭探討而異跡無窮年力有盡乃授剞劂布諸藝林卅載精勤庶幾不負更欲纂睡旨一書以副初志李先生所為序正在一十三卷之時今先

生下世十年惜不得吾全書而為之快讀不勝高山仰
止之思焉宗禎十四年歲次辛巳春三月六日書於鼎
足齋周嘉胄

欽定四庫全書

香乘卷一

香品

隨品附
事實

明 周嘉胄 撰

香最多品類出交廣崖州及海南諸國然秦漢已前
未聞惟稱蘭蕙椒桂而已至漢武奢靡尚書郎奏事
者始有含雞舌香及諸夷獻香種種徵異晉武時外
國亦貢異香迨煬帝除夜火山燒沉香甲煎不計數

海南諸香畢至矣唐明皇君臣多有沉檀腦麝為
亭閣何侈也後周顯德間昆明國又獻薔薇水矣昔
所未有今皆有焉然香一也或生於草或生於木或
花或實或節或葉或皮或液或又假人力煎和而成
有供焚者有可佩者又有充入藥者詳列如左

沉水香

考證一
十九則

木之心節置水則沉故名沉水亦曰水沉半沉者為棧
香不沉者為黃熟香南越志言交州人稱為蜜香謂其

氣如蜜脾也梵書名阿迦噓香

香之等凡三曰沉曰棧曰黃熟是也沉香入水即沉其
品凡四曰熟結乃膏脉凝結自朽出者曰生結乃刀斧
伐仆膏脉結聚者曰脫落乃因木朽而結者曰蟲漏乃
因蟲隙而結者生結為上熟脫次之堅黑為上黃色次
之角沉黑潤黃沉黃潤蠟沉柔勒草沉紋橫皆上品也
海島所出有如石杵如肘如拳如鳳雀龜蛇雲氣人物
及海南馬蹄牛頭燕口罌粟竹葉芝菌梭子附子等香

皆因形命名耳其棧香入水半浮半沉即沉香之半結
連木者或作煎香番名娑萊香亦曰弄水香甚類蜩刺
雞骨香葉子香皆因形而名有大如笠者為蓬萊香有
如山石枯槎者為光香入藥皆次於沉水其黃熟香即
香之輕虛者俗訛為速香是矣有生速斫伐而取者有
熟速腐朽而取者其大而可雕刻者謂之水盤頭並不
可入藥但可焚爇

本草
綱目

嶺南諸郡悉有傍海處尤多交榦連枝岡嶺相接千里

不絕葉如冬青大者數抱木性虛柔山民以構茅廬或
為橋梁為飯甑有香者百無一二蓋木得水方結多有
折枝枯榦中或為沉或為棧或為黃熟自枯死者謂之
水盤香南息高竇等州惟產生結香蓋山民入山以刀
斫曲榦斜枝成坎經年得雨水浸漬遂結成香乃鋸取
之刮去白木其香結為斑點名鷓鴣斑燐之極清烈香
之良者惟在瓊崖等州俗謂之角沉黃沉乃枯木得者
宜入藥用依木皮而結者謂之青桂氣尤清在土中歲

久不待剝剔而成薄片者謂之龍鱗削之自卷咀之柔
勒者謂之黃蠟沉尤難得也同上

諸品之外又有龍鱗麻葉竹葉之類不止一二十品要
之入藥惟取中實沉水者或沉水而有中心空者則是
雞骨中有朽路如雞骨血眼也同上

沉香所出非一真臘者為上占城次之渤泥最下真臘
之香又分三品綠洋極佳三藥次之勃羅間差弱而香
之大槩生結者為上熟脫者次之堅黑為上黃者次之

然諸沉之形多異而名不一有狀如犀角者有如燕口者如附子者如梭子者是皆因形而名其堅緻而有紋橫者謂之橫隔沉大抵以所產氣色為高而形體非以定優劣也綠洋三漈勃羅間皆真臘屬國

葉廷珪南番香錄

蜜香沉香雞骨香黃熟香棧香青桂香馬蹄香雞舌香按此八香同出於一樹也交趾有蜜香樹幹似檉柳其花白而繁其葉如橘欲取香伐之經年其根幹枝節各有別色木心與節堅黑沉水者為沉香與水面平者為